



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

65. Caroli V. Imp. Epistola ad Adrianum VI. PP. aduersus Monasterij S.  
Maximini incorporationem, Anni MDXXIII.

**urn:nbn:de:hbz:466:1-14268**

*Latine sic sonat.*

**S**erenissime Princeps, per dilecti Frater & Vicarie. Aut Illustrissime Princeps dilecte Patruæ & Vicarie. Etiam Reuerendissimi, Illustrissimi, Illustres, nobiles, honorabiles, eruditi & dilecti fideles. Vestra dilectio, & vos sine dubio scitis, qualiter honorabiles nobis & Imperio fideles N. Consules & Magistratus Ciuitatis Treuirensis Reuerendum nostrum & Imperij Principem & dilectum deuotum Vincentium Abbatem & Conuentum Monasterij S. Maximini iuxta Treuiros multis modis & præcipuè illius Monasterium læserint, præterea quoque partes utrimque eorum nostræ Imperialis Cameræ Iudicibus & Assessoribus in litigium uenerunt. Quia verò nos omnibus consideratis iudicamus, quòd prædicti Abbatis & Conuentus Monasteriū per Treuirenses euerfione ac alioqui iniuste tale damnū tulerit, & verò nos dictum Monasteriū (tanquā antiquissimam Antecessorum nostrorum in Sacro Imperio honorificam & laudabilem foundationem & monumentū) singulari gratia ac fauore prosequimur, & grauius sentiamus dictum Monasterium Durante nostro Regimine hoc modo euerfiri & concidere. Hinc petimus à V. D. & à vobis singulari cura & serio mandantes, vt nostro nomine apud dictæ nostræ Cameræ Iudices & Assessores diligenter & serio ordinetis & curetis, & ad hoc intendatis, vt memorato Abbati & Conuentui contra prædictos illos Treuirenses, quod iustum decernatur idque promptissimè, atque etiam in causa simpliciter summarie & de plano sicut in hoc & similibus casibus fieri conuenit, procedatur; & præterea eundem Abbatem & Conuentum in omnibus illius occurrentibus negotijs ita commendatum habeatis, vt & ipse & illius Monasterium iterum in pristinum esse & statum reducatur & restituatur. In hoc præstabit nobis D. V. vosque cæteri rem gratissimam & seriam nostram voluntatem. Datum in Vrbe nostra Vallisoletana 20. mensis Augusti Anno 1523. Regni nostri quinto.

65.

*Caroli V. Imperatoris Epistola ad Adrianum VI. Pontif. Max. aduersus Monasterij S. Maximini incorporationem, Data Anno MDXXXIII.*

Sanctissimo in Christo Patri & Domino, Domino Adriano Sexto diuinâ prouidentia Sacrosanctæ Romanæ ac vniuersalis Ecclesiæ summo Pontifici, Domino nostro Reuerendissimo &c.

**B**eatissime Pater, Domine Reuerendissime. Est apud Urbem Treuironum in signe Monasterium Sancti Maximini, ordinis Diui Benedicti à Prædecessoribus nostris honestissimis opibus & facultatibus fundatum, & à Sede Apostolica multis gratijs & priuilegijs illustratum, adeo vt ipsum Monasteriū illiusque Abbas & Conuentus nemini, quam Beatissimæ P. V. & nobis subint-

ctione

ctione & tutelâ nostrâ, & maiorum nostrorum Ducum Burgundiæ & Luxemburgiæ. Et cum quidam Franciscus de Sickingen superiori anno validum exercitum contra Treuitos duceret, urbemque illam obsideret, habuit Castra sua apud Monasterium Sancti Maximini: Qua de causâ Archiepiscopus, & ipsi Cives Treuirenses tam ante, quam post obsidionem dicti Francisci illius Monasterij ædificia, & clarissima, vetustissimumque templum totum diruerunt, non sine graui nostrâ molestiâ. Nempe cum hoc Cœnobium sit illustre quoddam prædecessorum nostrorum monumentum, etiam non modo multos annos, sed etiam sæcula sub tutela maiorum nostrorum protectum atque defensum; Dolemus iure merito, quod nobis imperantibus hoc incommodū acceperit, verū quoniam illius Monachi probatæ & honestæ vitæ sunt, Ideo omnes cogitationes nostras eò coniecimus, vt idem Monasterium ad pristinum statum reducamus. Et quia non nihil Abbas & Conuentus illius vereri videntur, ne Archiepiscopus eorum Monasterium moliat, præcipuè quod ad incorporationem illius mensæ suæ Archiepiscopalis spectare videretur. Supplicamus S. V. etiam atque etiam vt diligenter animaduertat, ne ad cuiuscunque petitionem quippiam contra hoc ipsum Monasterium concedat, quod illis damnum aut incommodum possit afferre. Aut si forte quippiam huiusmodi ad sinistram alicuius informationem concessisset, hoc omne in priorem statum restituat, & dictum Monasterium, omnesque eius res & negotia vnâ nobiscum ita protegat, iuuet & foueat, vt domui illi & religione & antiquitate præstanti pristinam, Maiestatem & splendorem restituamus. In qua re S. V. rem Pontifice dignam, Deo Opt. Max. acceptam, & nobis longe gratissimam factura est, quam & bene valere & isti sacrosanctæ sedi diu præesse ex animo cupimus & optamus. Datum in Ciuitate nostra i. Septembris Anno MDXXIII. Regnorum nostrorum Romani quinto, Aliorum vero omnium octauo.

Eiusdem Sanctissimæ P. V.

Filius Carolus diuina fauente clementiâ Electus Romanorum Imperator semper Augustus, ac Germaniæ, Hispaniarum, vtriusque Siciliæ Rex, Archidux Austriæ, Dux Burgundiæ, Brabantiæ & Comes Habsburg.

66.

*Ferdinandi Fratris Caroli V. Vicarij Imperij ad Clementem VII. PP. aliosque Epistolæ, aduersus designatam unionem Monasterij ad mensam Archiepiscopalem litt. A.B.C.D. Anni MDXXIII.*

A.

*Ad Clementem VII. Pont. Max.*

Sanctissimo ac Beatissimo in Christo Patri ac Domino, Clementi Septimo, Sacrosanctæ Romanæ vniuersalis Ecclesiæ summo Pontifici, Domino meo clementissimo, &c.

Sanctissime ac Beatissime Pater &c. Cum nuper sacra Cæsarea & Catholica Maiestas Frater & Dominus noster clementissimus accepisset Archie-

pisco-